

藍橋玉杵記

上

藍橋玉杵記

古本戲曲叢刊初集

古本戲曲叢刊編刊委
員會影印北京圖書館
藏明萬曆刊本魚書版
高廿公分寬十三公分

藍橋玉杵記叙

余師謝迹塵囂怡情雲水久不仕
聲聞想適及人把玩藍橋勝事以
為傳奇以風立師寔之曰箕山之
隱聞風卻瓢予遑為人間飾鼓吹乎
受人復跼而請曰黃鍾絕而雷岳鳴耶

曲高而知音寡先生得無是慮邪立
有謠儀伯牙未可輟操也師數辭
不得乃強取故傳稍加鉛飾表以羽
曲大都托人籟以鳴天籟皆風世寡言
也倘觀場君子能入耳而感衷則李
如之貞未始不足以繼響栢舟盧叟之

直未始不足以嗣音伐木而裴君慈師
師討罪奮三尺於燕中授訣飛仙起
二老於地下未必不足以壯獼狔之薄伐
觸蓼莪之深思也至若出入玄谷吐吸
丹砂則烟霞之味又在拚無絃者賞之
彼煙火塵襟愁深天淺者寧能作是觀

卽雖然人生三萬六千統屬傀儡場中求
其解脫羈縻自持線索者古今不可屈
指誰為祛迷雲於中天懸明月於長夜
公余請以玉杵振清鐸云

萬曆丙午仲秋月庠耘山人書于浣
月軒中

裴僊郎全傳

唐裴航字君慈山西雲中人父廣志以恩蔭授太常
博士航有祖姑適同邑李言家言生子遐壽壯為金
吾將軍與航父友善議以異日續姻好其後遐壽坐
失機還家家徒四壁值內趙夫人有孕忽夜夢一女
子雲衣霞裳持玉杵曰乘白鳳自空而下謂夫人曰
妾廣寒仙子也夙與閭苑仙有約今投杵曰相贈願
為伊家閨玉矣明晨乃誕女索之衾中復得玉杵曰

以語壽：駭之爰命名曰曉雲然家窘無以自給廼
鬻玉杵曰予號州下氏家得價百金因以致富先是
裴廣志亦夢神人騎白龍入其室覺而誕一男子是為
裴航長慶四年春廼奠雁于李：如約許之不移時
而航母章夫人以痰疾先逝廣志尋亦病篤召避壽
謂曰君年五十未有嗣續吾兒若兒也天不我祚今
將永訣身後事其屬阿翁乎乃卒避壽為治喪事畢
遂挹航歸以就養航六歲能文章稍長好僊每出輒

延道士歸與之論丹訣時航祖姑裴玄靜尚未霞升
而曉雲慕道亦如之常家居與祖母譚神仙事遐壽
夫嬪輒聞而詈之航年十歲出就外傳與盧相國姪
顥同學不得覲雲面者凡五六年一日遐壽懸弧屆
期召入稱觴而雲在側兩目相視如天上人也席畢
即復就東園館然而少艾之好與吉士之慕有不能
為情者矣時曉雲每夜玩月于南園二與生隣風卷
雪月之感徃々形之于吟咏間航聞愈不能為情竟

以成疾遐壽素不喜譚僊而航日與遊者多方士選
壽惡其不改以為必墟其家也屢欲逐之值五日曉
雲以五絲貽生命妾持往適為壽所遇疑其有私于
妾廼痛笞逐出歆更為女擇贅先時父母及雲郊行
祭掃里富人子見而慕之至是遂賄媒求贅壽許之
曉雲喻其意乃乘間言曰臣不二君女不二夫女志
決矣壽夫嬾不少動念也竟逼焉雲不得已于是歆
抱石盡于河會裴玄靜先已尸解潛俟而救之引入

終南脩真既而踰年復返月宮先是裴航出無所依
廼典衣入京師求助于父執崔相國且告以故相國
曰女死矣夫復奈何贈錢二十萬令其游學郢中航
別去因買舟于鄂渚會樊夫人仙舫濟之航窺見夫
人有閉月貌情不自禁乘月夜侍婢沆水而投之詩
曰同舟胡越猶懷想况遇天仙隔錦屏倘若玉京朝
會去願隨鳶鶴入青冥夫人見之即令婢褰烟召生
謂曰妾夫遊宦漢南有書促赴宦邸偶同舟楫辱惠

郢章可無一言答贈乎遂復詩曰一飲瓊漿百感生
玄霜搗盡見雲英藍橋自是神仙窟何必崎嶇上玉
京生誦良久不喻其意而舟已抵襄漢矣夫人令婢
束裝去生鞭馬尾之遍歷名區杳不知其所向會至
藍橋驛渴甚乃下道求飲見茅舍三五間老姬績麻
其下航揖求水姬向簾中語曰雲英持一甌漿來航
憶夫人詩正訝之忽簾內一女子伸腕如玉捧一甌
漿姬傳出與航飲之不啻甘露也乃語姬曰生僕馬

勞頓容少憇此乎。嫗曰：「任郎君便耳。生良久復語。嫗曰：『適所見閨秀請納禮而聘之可乎？』」嫗曰：「予老而病，僅一孫女，昨有僊人授我丹藥一刀圭，非得玉杵臼搗之，不可。君如垂愛，湏得此貽我耳。其餘金帛無所用之。」航謝曰：「願以百日為期，必攜至。幸勿他許。」遂策馬入京師。會京師大比，天下士以詩辭舉生，授花使。辭不就。惟日以訪玉杵臼為事。親炙見之，若不相識。咸訝以為狂。忽遇貨玉者，謂曰：「隰州卞老家昔嘗有。」

之今未卜售人否耳生復鞭馬至睢州時避壽聞生
登第悔之令人馳書往賀已不知生所之矣生謂卞
老曰非二百金不售生廼傾囊金賣僕馬鬻之復
徒步攜至藍橋姬見大笑曰裴郎信人也寧不如議
但須更為搗藥百日乃就婚禮耳航曰可姬即就壺
中傾藥付航為搗之夜則姬收藥與杵臼于內室
每猶聞搗藥聲航窺之即玉兔也及百日足姬吞所
搗藥謂航曰君好事近矣予當還故家告親屬為君

設幃帳遂攜女從東去少間朱鸞絳旌迎航至一大
第銀缸如晝香篆連雲所見姻戚霍姿玉容悉神僊
中人也乃就禮：畢姬指航謂姻屬曰即君清冷真
人裔也業當出世諸真幸青眼焉忽一女鬟髻霓衣
謂航曰子忘我乎航曰未覩芳容何所謂忘女曰曩
自鄂渚抵襄漢誰與君同濟者航愧謝之姬曰此月
殿雲翹樊夫人也已列高真為劉綱仙君之妻裴郎
當以姨稱矣居無何乃徙航於玉峰洞中棲以瑤樓